

ԴԱՍ 2.5. Ադրբեջան: Աշխարհագրական դիրքը, բնական պայմանները և ռեսուրսները

...

Բնական պայմանները և ռեսուրսները: Ադրբեջանի տարածքը մտնում է Առաջավոր Ասիայի մեջ: Տարածքի շուրջ կեսը լեռնային է: Հյուսիսում Մեծ Կովկասի, հյուսիս-արևմուտքում՝ Փոքր Կովկասի լեռներն են, կենտրոնական մասում՝ Կուր-Արաքսյան դաշտավայրը, հարավարևելքում՝ Լենքորանի ցածրադիր դաշտավայրն ու Թալիշի լեռները, արևմուտքում՝ Հայկական լեռնաշխարհի արևելյան լեռնաձյուղերը: Երկրի ամենաբարձր կետը Բազարդյուզ գագաթն է (4466մ) Մեծ Կովկաս լեռնաշղթայի ջրբաժանի վրա, Ռուսաստանի հետ սահմանին: Ամենացածր կետը գտնվում է հարավարևելքում՝ Լենքորանի դաշտավայր-ցածրավայրում (-28մ): Ադրբեջանի ձգվածությունը հյուսիսից հարավ 400 կմ է, արևմուտքից արևելք՝ շուրջ 500կմ:

...

Ադրբեջանը աշխարհագրական դիրքի ու բարձրաչափական մեծ տարբերությունների պատճառով աչքի է ընկնում կլիմայի բազմազանությամբ: Լենքորանի դաշտավայրը, Թալիշի լեռների ստորոտները աչքի են ընկնում **խոնավ մերձարևադարձային կլիմայով** տեղումների տարեկան մեծ քանակությամբ: Սա ցիտրուսների, թեյի մշակության հիմնական շրջանն է: Կուր-Արաքսյան դաշտավայրն աչքի է ընկնում կլիմայի չորությամբ: Տարածված են կիսաանապատները, որտեղ կուլտուր-ոռոգելի հողերը դարձել են Ադրբեջանի պտղաբուծության, բանջարաբուստանային մշակաբույսերի աճեցման հիմնական շրջանը: Հյուսիսարևելքն աչքի է ընկնում չոր մերձարևադարձային պտղատուների մշակությամբ: Լեռնային շրջանները ծառայում են որպես ամառային արոտավայրեր ու սակավ ջերմասեր մշակաբույսերի աճեցման շրջաններ, ինչը նպաստում է բազմաձյուղ գյուղատնտեսության զարգացմանը: Կլիման բնութագրվում է ջերմության առատությամբ:

յամբ և խոնավության անբավարարությամբ (բացառությամբ Լենքորանի դաշտավայրի): Կլիման փոխվում է հարավարևելքում խոնավ մերձարևադարձայինից մինչև Մեծ Կովկասի ցուրտ լեռնային ձյունամերձ գոտիները:

• • •

Երկաթաքարի պաշարները գտնվում են **Գաշքեսանի** մոտ, մոլիբդենինն ու պղնձահրաքարինը՝ Նախիջևանում՝ Զանգեզուրի լեռների արևմտյան լանջերին: Ալունիտի պաշարները գտնվում են Գյանջայի շրջանում՝ **Զագլիկի** հանքավայր, բուժիչ ցեխերը՝ Փոքր Կովկասի նախալեռնային գոտում, որտեղ 1960-ական թվականներին հիմնադրվեց **Նավթալան** ամոլ-ջարանը:

Ադրբեջանի ջրային գլխավոր զարկերակը **Կուր** գետն է՝ **Արաքս** խոշոր վտակով, որոնք ունեն հսկայական ոռոգիչ և էներգետիկ նշանակություն: Կուրի վրա կառուցվել է Մինգեչաուրի ջրամբարը՝ համանուն ջրէկ-ով: Ադրբեջանի կենտրոնական շրջաններից սկսած Կուրը գետային փոքր նավերի համար նավարկելի է:

• • •

Առավել տարածված են կիսաանապատային գորշ ու մոխրագույն ինչպես նաև անտառային գորշ, լեռնամարգագետնային սևահողերը, դեղնահողերը (Լենքորանի դաշտավայր): Անտառները զբաղեցնում են տարածքի 10%-ը: Տիրապետում են անապատակիսաանապատային և չոր տափաստանային լանդշաֆտները: